



# 中國大事記



民國四年九月十八日

●內務部呈准將貴州仁懷縣分置歸水縣……貴州仁懷縣。南北斜長。轄地遼闊。北境毗連四川合江綦江等屬。犬牙相錯。向為黔蜀之通道。縣治偏在南部。復有桐梓河間隔。南北控制。既嫌未便。盜匪因之蠶起。貴州巡按使前擬劃該縣所屬桐梓河以北各地方。另設歸水縣治。作為三等縣缺。並定治所於官渡場。將舊有溫水分縣裁撤。留防溫水軍隊。呈經大總統批交內務部核議具覆。本日由內務部呈請准如原擬設治。奉批照准。

同 十九日

●江西吳城火藥庫爆發……江西新建縣屬吳城鎮。為入贛第二重門戶。向設有火藥庫一。本日因大風雷雨。觸電爆發。傷人甚衆。並轟燬房屋多處。當由江西巡按使派員前往撫卹。

同 二十日

●公布立法院議員選舉法第五章覆選舉施行細則……大總統制

定公布。細則見法令門。

●公布立法院議員選舉法第八章單選舉施行細則……大總統制定公布。細則見法令門。

●公布立法院議員選舉法第九章選舉確定第十章選舉變更施行細則……大總統制定公布。細則見法令門。

●公布立法院議員選舉法第十一章選舉罰則施行細則……大總統制定公布。細則見法令門。

●公布選舉資格審查會辦事規則……大總統制定公布。規則見法令門。

●公布國民會議暨立法院議員覆選調查施行令……大總統制定公布。令見法令門。

●公布國民會議議員選舉資格審查施行令……大總統制定公布。令見法令門。

●公布國民會議議員覆選舉單選舉施行令……大總統制定公布。令見法令門。

29729

29730

●公布國民會議議員互選舉施行令……大總統制定公布。令見法令門。

●公布國民會議議員選舉確定施行令……大總統制定公布。令見法令門。

同 二十三日

●政事堂禮制館呈准特賞蒙古榮典條目……蒙藏院前呈馭蒙辦法說帖一件。內有增議優榮一條。奉大總統批交禮制館妥議辦法。茲由禮制館擬訂特賞蒙古榮典服章、榮章、紫綬、佩劍飾用珠寶帽章加用珠數、增設護衛、等六條。呈請鑒核。奉批照准。

同 二十五日

●公布修正會計法……參政院議決案。法見法令門。

●大總統以召集國民會議事咨覆代行立法院……參政院代行立法院。前咨大總統。請召集國民會議。解決國體問題。茲奉大總統咨覆。略謂決定憲法。為國民會議之職權。事關國家根本大計。不得不格外審慎。國民會議議員覆選舉。定於十一月二十日舉行。已有教令公布。俟各地方覆選報竣。當即召集開會。以徵正確之民意。

同 二十六日

●特任沈金鑑為湖南巡按使……原任韓國鈞因病辭職。

●任命王達為京兆尹

●俄國要求我國解決阿爾泰撤兵交涉……阿爾泰地方。本近俄疆。我國曾因俄人派兵駐紮該處。要求撤退。俄使遂於民國三

年二月間。提出撤兵條款六條。當時政府以俄人條件過重。故未依從。其後雖經雙方代表迭次磋商。迄以俄人堅執提案。遂未解決。近據外報載稱。俄使又重提前議。向我外部要求解決。外部以其提案過大。難以磋商。尚未答覆。其提案分六條。大略如下。(一)不得勒收哈薩克牧地。(二)俄人享用在喀喇額爾齊斯河及其支流免稅貿易及航行利益。並准俄人經營該河航政。(三)將布爾楚木河口等處修建築碼頭。並准俄輪船公司於瑪納斯及古城設立貨物代辦所。(四)承認俄人於阿爾泰區域享有地段及他項不動產之權。暨任便居住漁獵耕種。(五)每年組織司牙孜一次。(六)實行光緒七年條約。

同 二十七日

●內務部呈准福建增設東山縣治……福建詔安縣屬銅山鎮。為海中孤島。外接澎湖。內蔽閩粵。前由福建巡按使呈請增設銅山縣治。益以附近之漳浦縣古雷島。作為三等縣缺。奉批交部核議。茲經內務部呈覆。應准設治。惟銅山名稱與江蘇銅山重複。以銅山舊名東山。擬定為東山縣。奉批照准。

●農商內務外交部遴員參觀朝鮮物產共進會……日本在韓京開設朝鮮物產共進會。農商次長金邦平。特率同參事張新吾僉事韓安技正汪楊寶施弼等前往參觀。內務部外交部亦均派員同往。

同 二十八日

●令整頓京兆地方自治事宜……令曰。凡視一國政治之得失。以其地方事業之良窳為衡。彼東西各強國。治具畢張。粲然美

備。野無曠土。道不拾遺。自都市以至鄉村。莫不日異月新。使入其國者。歎爲公德之至隆。而知有生之可樂。蓋經無數政學技術名家。討論試驗。猛厲進行。而物力人材。又寬然足以相副。非倖致也。吾國幅幘過廣。錮蔽居多。承閉關自守之餘風。未與東西文明相接觸。是以吏安於媮惰。士競於虛浮。上日以文法相繩。而不問民生之樂利。又改革以後。秩序紊亂。元氣大傷。欲舉全國地方行政而同時振興。談何容易。前經明

令京兆爲特別區域。並派王達籌辦京兆地方自治事宜。冀藉首善之區域。爲全國模範。但自治與官治相濟而成。京兆各屬。生息於京都之下者五百年。其人民多依賴性質。今欲謀地方自治之發達。必先以官治匡直輔翼之。而後風行草偃。氣象一新。現已任命王達爲京兆尹。並修正官制。依次施行。該尹曾留學東邦。且身任地方。著有成績。各國保育政策。諒已周知。其慎擇愛民之良吏。訪求愛國之賢紳。舉一切教育實業道路工程衛生警察暨公共慈善事業。分別籌備。綱舉目張。果有成效可徵。不惜假以便宜。寬籌經費。務求實際。不尙空文。語曰。爲治不在多言。願力行何如。又曰。百聞不如一見。該尹勉之。予有厚望焉。此令。

●日本要求在滿蒙各處增設領事：日本因籌備移民滿蒙各地。特向我國要求在赤峯鄭家屯及內蒙某地增設領事。聞已經我國外交部允諾。

29731

●派員參與舊金山萬國平和會議……美國發起在舊金山開萬國

平和會議。經未與此次歐戰之各中立國贊成。政府特命駐美公使夏偕復爲委員。前往參與會議。

●雲南巧家縣匪亂……雲南巧家縣。地與川邊連界。屢有川蠻滋擾。近日復聚衆數千。與官軍對敵。由縣知事電省請設法剿撫。

### 同 三十日

●公布文官高等考試令外交官領事官考試令司法官考試令外交官領事官考試甄錄規則關於司法官考試令第三條甄錄規則文官普通考試令文官高等考試典試令文官普通考試典試令甄用令外交官領事官資格審查規則文職任用令簡任文職任用程序令薦任文職任用程序令委任文職任用程序令文職任用令施行令文職學習員額令學績試驗條例……大總統制定公布。令及規則條例。均見法令門。同日申令。吏治張弛。繫乎人才。而人才之盛衰。又視乎法制之良窳。在昔官人之法。代各異制。綜其要旨。莫不以振拔賢能杜絕冗濫爲歸。良以黜陟大權。操之於上。固不能盡以尋常資格相繩。而登進之資格。任用之程序。要必有法度可循。乃能整肅官常。用熙庶績。改革之始。成規蕩然。吏治不臧。無可諱飾。比者知事試驗。文官甄別。以及保薦存記等項。亦既明示限制。其關於文官考試任用各法案。亦已於文官任免執行令中。分別規定。特以戾於事實。未盡實行。遂令入仕者罔有定程。用人者易參私見。營求瞻徇。秕習漸滋。非所以勵廉隅。重名器也。本大總統有鑒於此。不惜設例外以

29732

待非常之士。而於中材以下。要必懸一的以爲之招。俾各就範圍。無或侵越。是用制定文官高等考試令。外交官領事官考試令。司法官考試令。外交官領事官考試甄錄規則。關於司法官考試令第三條甄錄規則。文官普通考試令。文官高等考試典試令。文官普通考試典試令。文官甄用令。外交官領事官資格審查規則。文職任用令。簡任文職任用程序令。薦任文職任用程序令。委任文職任用程序令。文職任用令施行令。文職學習員額令。學績試驗條例。均於本日分別公布施行。凡關於考試甄用以及學習各項辦法。所以定入仕之程途。關於任用各項辦法。所以定用人之準則。而文官考試之主旨。尤重在宏獎實學。以裨世用。故其考試科目。就文法理工醫農各類。細別爲二十三科。俾得分途並進。至外交領事司法等官。以其職務較殊。故復另自爲令。以期各效專長。冀無用非所習之弊。且當文化遞嬗之會。學術經驗。兩難偏廢。則規定文官甄用令。外交官領事官資格審查規則。以劑其平。當條規頒布之初。籌備實施。或尙需時。則規定文官任用令施行令以彌其闕。其登進之也。既務從審慎。其擢用之也。亦各限階資。甄綜銓衡。庶無廢墮。自此次各教令施行之後。無論何項文職。均以考試或甄用合格者爲進身之正軌。其各項考試保薦不合於此次教令之規定者。卽行停止。簡薦委各職之任用。亦應各依本令規定。切實遵行。不得臆爲出入。致滋徇濫。至學績試驗。既爲普通文職之初試。且爲地方掾屬之取資。意在獎勵學風。研求更術。

並應遵照條例辦理。方今庶政進行。攸資羣策。用人得失。實爲政治得失之權輿。本大總統膺茲重寄。以庶政分寄百僚。而吏治清濁之源。此爲嚆矢。所願在位者留意於登明選公。勿謂按格循資。遂盡用人之責。在野者有志於服勞報國。勿憚殫心勵學。以成致用之才。異日髦俊奮興。庶政畢舉。從容匡翼。共濟艱屯。國家前途。實利賴焉。此令。

●天津發見飛蝗……天津一帶。日前飛蝗成羣。近日尤甚。連綿交飛。天日爲暗。人民均驚惶異常。

### 十月 一日

●教育部呈設實業教員養成所……大總統前頒教育綱要。內載實業師範學校一款。聲明每省一所。省款支出。現教育部擬參照前清實業教員養成所辦法。附設於各省性質相同之專門學校。特擬訂實業教員養成所規程十一條呈核。奉批照准。

●國貨展覽會開會……農商部前爲提倡國貨起見。呈准在京開國貨展覽會。於本日舉行開幕禮。推定內務總長朱啓鈴爲會長。

### 同 二日

●教育部歸併學術評定委員會……學術評定委員會。設立之始。本爲獨立機關。後因撙節政費。改歸部屬。僅留辦事員三人。現又歸併教育部。將辦事員裁撤。

### 同 三日

●裁撤青海辦事長官缺改設甘邊寧海鎮守使  
●通飭各省籌設移墾處……政府前定移送腹部各省貧民開墾沿

邊荒地。以固邊防。並經通飭直隸山東河南湖南湖北五省。妥籌辦理。現復擬定移墾處章程六十七條。通行各該省遵照辦理。

### 同日 五日

●准教育總長湯化龍免職特任張一麐為教育總長

●內務陸海軍部會呈訂定中國紅十字會條例施行規則……規則見次號法令門。

●通惠實業公司成立……通惠實業公司。前由孫多森施肇曾周學熙等集資組織。於本日成立。先設總公司於北京。次第在上海漢口及通商各埠設分公司。規定營業項目。為興辦各項農工商實業。籌畫經紀或代理各項農工商事業。調劑各項金融事業。經募或承募各種債票等。並定先從創辦實業銀行入手。

●中美銀行之創設……華商張振勳等。聯絡美國商人。在中國組織中美銀行。股本一千萬元。中美各認一半。議定辦事權限。彼此平等。經財政部批准立案。

### 同日 六日

●司法部呈訂清理不動產典當辦法……司法部因民間爭贖還年典當田地之案驟增。審判執行。均極困難。特擬訂清理……不動產典當辦法十條呈核。奉批照准。(辦法見法令門)

●京兆徵募局開收徵兵……統率辦事處。舉辦京兆徵兵局。於本日開始徵募。分為四組出發。

### 同日 八日

●公布國民代表大會組織法……參政院代行立法院議定。法見

法令門。同日令曰。參政院代行立法院咨稱。本院前據各直

省各特別行政區域內外蒙古青海回部前後藏滿洲八旗公民王公暨京外商會學會華僑聯合會等。一再請願改革國體。當經本院開會議決。將請願書八十三件。咨送政府。並建議根本解決之法。或提前召集國民會議。或另籌徵求民意妥善辦法。旋准大總統咨覆。以國民會議議員覆選報竣為期。以徵求正確民意為準。以從憲法上解決為範圍。具見大猷制治。精一執中。曷勝欽佩。而自本院咨送八十三件請願書以後。復有全國請願聯合會代表沈雲沛等。全國商民馮麟霈等。全國公民代表團阿穆爾靈圭等。中國回教俱進會回教回族聯合請願團暨回疆八部代表王寬等。哈密吐魯番回部代表馬吉符等。錫林果勒盟代表程承鐸等。雲南迤西各土司總代表鄧匯源等。新疆蒙回全體王公代表暨寧夏駐防滿蒙代表楊增炳等。北京二十區市民董文銓等。北京社政進行會惲毓鼎等。南京學界丁偉東等。貴州總商會徐治濤等。籌安會代表楊度等。暨全國商會聯合會蔚豐厚各處票商等。前後請願前來。咸以為中國二千餘年。以君主制度立國。人民心理。久定一尊。辛亥以後。改用共和。實於國情不適。以致人無固志。國本不安。誠由共和制度。元首以時更替。國家不能保長久之經畫。人民不能定專一之趨向。兼之人希非分。禍機四伏。或數年一致亂。或數十年一致亂。撥亂尙且不遑。致治何由可望。南美中美十餘國。坐此擾攘。幾無寧歲。而墨西哥為尤甚。四稔紛競。五主相殘。人民失業。傷亡遍地。前

29734

車之覆。可爲殷鑑。我國迭經亂故。元氣未復。國家政治。亟待進行。人民生計。亟待蘇息。惟有速定君主立憲。以期長治久安。庶幾法律與政治。互相維持。國基既以鞏固。國勢亦以振興。全國人民。深思熟慮。無以易此。卽外國之政治學問名家。亦多謂中國不適共和。惟宜君憲。足見人心所趨。卽真理所在。全國人民。迫切呼籲。實見君主立憲爲救國良圖。必宜從速解決。而國民會議開會遲緩。且屬決定憲法機關。國體未先決定。憲法何自發生。非迅速特立正大之機關。實求真確之民意。不足以定大計而立國本。再三陳請。衆口一詞。本院初以建議在前。復經大總統咨覆。辦法已定。不敢輕議變更。而輿論所歸。呼籲相繼。本院尊重民意。重付院議。僉謂茲事重大。自未便拘常法以求解決。國家者。國民全體之國家也。民心之向背。爲國體取舍之根本。惟民意既求從速決定。自當設法特別提前開議。以順民意。與本院前次建議所謂國家根本大法以昭鄭重者。實屬同符。卽與我大總統咨覆所謂國家根本大法計不得不格外審慎者。尤相脗合。謹按約法第一章第二條。中華民國主權。本之國民全體。則國體之解決。實爲最上之主權。卽應本之國民之全體。茲議定名爲國民代表大會。卽以國民會議初選當選人爲基礎。選出國民代表。決定國體。似此則凡直省及特別區域滿蒙回藏。均有代表之人。徵求民意之法。普及國民全體。以之決大計而定國本。庶可謂正大之機關。而真確之民意。可得而見。較之國民會議爲有進也。茲據約法第三十

一條之規定。於十月六日開會議決國民代表大會組織法。經三讀會通過。現在全國人民。亟望國體解決。有迫不及待之勢。相應鈔錄全案。並各請願書。咨請大總統迅予公布施行等因。除將代行立法院議定之國民代表大會組織法公布外。特此布告。咸使聞知。此令。

●財政部呈訂農工銀行條例……農商部爲農工業者融通資金起見。特擬訂農工銀行條例四十六條。呈請公布。並擬在通縣昌平兩處先行設立。奉令照辦。(條例見法令門)

同 九日

●司法部呈准修改覆判章程……司法部因覆判章程。於六月間修正後。尙多窒礙。擬於該章程第八條第三項後。添入但書加但聲明控告案件。事實明確。僅係引律錯誤者。得由檢察官主張適用書面審理。其事實雖未明確。而提傳人證。實在困難。并得主張由控告審衙門推事蒞審六十四字。呈請大總統鑒核。奉批照准。

●農商部組織製茶場……農商部以茶爲中國出品大宗。近因製法不善。致銷路未能暢旺。特派員赴安徽祁門婺源建德三縣調查。現擬在其地組織製茶場。以期改良製茶方法云。

同 十日

●申令京外文武官吏維持秩序……令曰。據哲里木盟長齊莫特散敏勒等。卓索圖盟長色凌那木濟勒旺寶等。昭烏達盟長蘇珠克圖巴圖爾等。烏蘭察盟長勒旺諾爾布等。阿拉善和碩親王塔

旺佈理甲拉等。舊土爾扈特南部落盟長布彥孟庫東部落盟長帕勒塔等。北部落盟長鄂羅勒莫扎布等。哈密親王沙木胡索特等。統率辦事處據陸軍總長王士珍等。彙呈陸軍人員。海軍總長劉冠雄等。直隸巡按使朱家寶等。警察總監吳炳湘等。先後呈請改定國體。僉謂共和不宜於中國。無可諱言。惟有俯順輿情。速定君主立憲。以慰薄海人民長治久安之望各等情。本大總統披覽之餘。以爲改革國體。事端重大。儻輕率更張。殊非事宜。但約法所載中華民國主權。本之國民全體。解決國體。自應聽之國民。昨准代行立法院咨請公布國民代表大會組織法。業經頒令公布。本大總統受國民之付託。以救國救民爲己任。民所好惡。良用兢兢。惟有遵照約法。以國民爲主體。務得全國多數正確之民意。以定從違。京外文武官吏。有保全地方治安之責。應各督飭所屬。維持秩序。靜候國民之最後解決。其膺選舉監督之任者。尤宜遵照法案。慎重將事。用副本大總統謹守約法尊重民心之至意。將此通令知之。此令。

29735

●內務部呈准管理藥商及限制藥用鴉片嗎啡等品章程……西曆一千九百十二年正月二十三號。各國在海牙會訂禁烟公約第九條。內載締約各國。應頒布法律或章程。以施諸製藥業。限制嗎啡高根及其化合物之製造售賣使用。但可供醫業正當之需。又第十六條。內載中政府應訂頒製藥律。以施諸本國人民。將嗎啡高根及其化合物質料并本約第十四條所指各物之售賣散布。一概取締。內務部特據此擬訂管理藥商章程三十條。又限制藥

用鴉片嗎啡等品章程十三條。呈請大總統鑒核。奉批照准。(章程載次號法令門)

●國慶日停止大閱宴會……本日爲國慶日。所有應舉行之大閱宴會等事。本屆均停止舉行。

### 同 十二日

●任命王祖同會辦廣西軍務

●任命言敦源署理參政院參政

●申令各省懲治玩視賑務官吏……令曰。天災流行。國家代有

全賴地方官吏。實心愛民。平日思患預防。綢繆未雨。遇有水

旱偏災。立即發穀撥款。施放急賑。譬諸拯溺救焚。迫不及待。

早賑一日。活民實多。稍緩須臾。受害何限。本年被災省分。

一經疆吏上聞。無不頌款籌貲。飭令該省迅予賑濟。無令飢民

失所。官吏之能體德意者。固不乏人。亦有拘牽文法。輾轉遷

延。以致舉辦稽遲。飢民垂絕。玩視賑務。實堪痛恨。古人如

汲黯之賑河內。富弼之賑青州。類皆便宜行事。以身救民。如

地方災象已成。爲民上者不思救急之方。徒藉口於調查報告。

敷衍因循。甚至意在侵挪。故事遲緩。試問民方困乏。而官尙

優遊。民苦飢寒。而官獨溫飽。問心清夜。何以自安。本大總

統奮勞於野。疾苦周知。言念流亡。難安寢饋。用特不憚煩言。

嚴申誥誡。嗣後地方官吏。如有辦賑遲延。及挪用賑款者。應

由該管長官據實查參。依法懲治。倘庇護屬吏。有意瞻徇。別

經查出。將該長官並付懲戒。以儆在位而重民生。其各懷之。

此令。

● 財政部改訂常關稅則……：財政部以各常關舊訂稅則。多係雍正乾隆年間所定。歷年久遠。與現在物價懸殊太甚。而舊則又無值百抽幾之一定稅率。以致各關收稅人員。往往有隨意估計等事。特飭各關調查現在物價。改照海關稅則折半征收。

同 十三日

● 茶商組織聯合會……：國內茶商。為改良茶業起見。特組織聯合會以利進行。已呈經農商部批准。

同 十四日

● 中法會勘滇越邊界……：我國與法國。因滇越邊界問題。膠葛已久。迄未解決。特派員前往會勘。

同 十五日

● 公布司法官懲戒法……：參政院議決案。（法載次號法令門）

● 公布審計官懲戒法……：參政院議決案。（法載次號法令門）

● 中俄締結互禁烟酒條約……：歐戰開始以後。俄國實行禁酒。又恐遠東一帶。不能一律實行。議與我國協訂互禁鴉片酒精條約。約定我國為俄國在北滿嚴禁酒精。俄國即為我國嚴禁鴉片。

聞此約業已簽字。

● 籌安會改組憲政協進會……：籌安會前由楊度孫毓筠等發起。提倡君主立憲。現該會又通告會員。謂君主國體當可見諸事實。此後本會方針。應注重立憲問題。擬將籌安會名義。改為憲政協進會云。

同 十六日

● 處前川邊經略使尹昌衡徒刑……：令曰。前據魏問權等告訴前川邊經略使尹昌衡一案。當交高等軍事裁判處提集人證預審。呈經褫奪軍官勳位。歸案訊辦。茲據呈稱切實查訊。冒功通逃各款。均無其事。惟虧款一節。侵占公款。情罪昭著。按律擬以二等有期徒刑九年。褫奪公權全部等語。尹昌衡身膺疆寄。應如何潔己奉公。力圖報稱。乃竟濫支浮報。侵虧鉅款。實屬咎有應得。准如所擬執行。其侵占之款。並著嚴行追繳。以重國帑。交財政陸軍司法三部查照。此令。

同 十七日

● 財政部呈准歸併貨幣交換所……：貨幣交換所。由財政部於三月間呈准設立。現復呈稱。該總所籌備事宜。漸已就緒。京兆直隸山東等地方。業經設立分支各所。此外各省。可逐漸推設。擬即由中國銀行各分行號兼辦。請將貨幣交換所事宜。歸併中國銀行辦理。奉批照准。

● 甘肅匪亂告平……：甘肅環縣慶陽等處。前因官吏辦理內債新稅不善。激成戕官據城之變。陝境匪徒。竄入勾結。勢益蔓延。當經政府將涇原道尹王學伊褫職。現經該省官吏電告。匪亂業已肅清。

同 十八日

● 特任龍觀光暫兼代理廣東巡按使……：原任張鳴岐。因親歿給假兩月。回籍營葬。

●申令誥誠經徵賦稅官吏……令曰。國家財政。困於積債甚鉅。不得已而取於民。有經徵之責者。自應共體時艱。統籌兼顧。上則整理歲入。爲國用紓不足。下則權衡物力。爲民間留有餘。酌盈劑虛。與時消息。惟賴精心擘畫。迺能裕國而不病民。所慮經徵官吏。貪圖利便。不守規章。妄行攤派。甚或假手吏胥。額外婪索。須知小民胼手胝足。終歲勤劬。商人利析秋毫。殫竭心力。艱難辛苦。所獲幾何。出其脂膏。良堪憫念。雖人知愛國。各具急公奉上之心。而設官爲民。宜盡撫字噢咻之義。且官吏亦來自田間。設身處地。當知疾苦。前已明申禁令。剴切誥誠。誠恐日久生玩。陽奉陰違。各省監督長官。暨財政廳長。負完全責任。應各振作精神。認真督察。如有前項情弊。一經發覺。立予盡法懲處。勿稍姑容。縣知事爲親民之官。並當破除畛域。就所聞見。隨時稟陳長官。用資考證。總期民隱上達。毋使不肖官吏。於額收以外。有所擾累。以副本大總統申儆貪墨視民如傷之至意。此令。

29737  
●財政部呈准創辦華新紡織公司……商人馬蕪等。前發起組織華新紡織有限公司。向政府呈遞說帖。擬先從直魯豫三省舉辦。漸及山陝。股本一千萬元。官股四成。商股六成。股本年息八釐。請由政府保息五年。所購機器物料及棉花等原料。凡水陸運輸。請予免除一切稅捐。製成紗布。照南方成案。出廠完正稅一道。通行各處。概不重徵。並請准在直魯豫三省專辦三十年。在此限內。儘該公司盡力推廣。如有他商願辦紗廠。可

附入該公司合辦。倘願獨立自辦。照從前南通天生紗廠成案。每出紗一件。給該公司費若干。奉批可行。並將說帖發交財政部核議。茲經財政部議覆。呈稱補助官股一節。查有蘆商應還大清銀行舊欠一項。可以指撥。現在創辦伊始。擬先撥官股四分之一。以示提倡。其餘俟商股收足若干時。按照應攤官股成數。陸續撥發。又五年保息辦法。應俟每年該公司結帳後。視所得贏利倘不及長年八釐之數。准由本部照數補足。以資扶掖。并准所有機器物料進口及棉花原料轉運。特免一切稅釐。其出廠紗布。祇完正稅一道。此外稅釐。概免重徵。亦准照辦。並請簡派大員督飭辦理。奉批照准。並派周學輝爲督辦。

同 十九日

●任命袁希濤爲教育次長……原任梁善濟因病免職。  
●令處分津浦鐵路參案……令曰。前據都肅政史莊蘊寬等。以津浦鐵路積弊多端。亟應整頓。呈經特派王瑚等調查報告。當交平政院依法審理。茲據審明裁決。呈覆察核。所擬尙屬允當。已撤該路局長趙慶華。雖無朋比公司侵吞路款實據。惟爲商人詳訂合同。於公司運貨帳款。遲不照繳。脚力收支全數。及南段軍事報銷。均任意久延。且用人太濫。賞罰不公。廢弛路政。濫發免票。均屬咎有應得。已撤南段處長葉道繩。於路員聚賭狎妓。不知約束。亦屬不合。趙慶華葉道繩。均著付文官高等懲戒委員會懲戒。洪少圃事涉行賄。著交法庭訊辦。該部次長葉恭綽。被劾各節。既查無實據。准免置議。並銷去停職處分。

29738 匯通公司利益特優。有妨路政。原訂合同。著即取銷。餘責成交通部分別辦理。路政關係重要。嗣後該部務須破除情面。認真整頓。員司舞弊。一經察出。有犯必懲。以裨國計而息人言。並交司法部查照。此令。

同 二十日

●申令誥誡司法官吏……令曰。京外法庭。審判遲延。幾成痼疾。迭經嚴申誥誡。近來京師各級審判廳。尙知振作。而各省法庭。則仍多疲玩。於民事訴訟。積壓尤甚。民事以債務爲多。往往累月經年。延不判決。商民受累。殊堪憫念。詰其積案之由。無非藉口於手續未完。證據未備。以爲推諉地步。不知法官果真有愛民之心。視民事如己事。所謂手續證據者。何難隨

## 外國大事記

民國四年 九月 十一日

●交戰國向美國借用款項……英法兩國政府。向美國政府借用美金七萬萬五千萬圓。其契約於本日成立。介紹者爲摩根氏及其他美國銀行家。俄羅斯及意大利兩國政府。亦向美國政府借貸美金一萬萬圓。現正在商議尙未成立。

●德美之交涉……美國政府因關於德潛艇擊沉汽船亞拉別克號一案。德國答覆美國之公文。不滿意處甚多。將採用激烈之處

時督促。設法句稽。史稱趙廣漢精於吏職。善爲鈎距以得事情。必先有任事之實心。而後有亭疑之善法。今之法官。大都學校畢業。從前司法獨立保障人民之要義。類皆言之津津。何以一爲法官。對於人民疾苦。竟似秦人視越人之肥瘠。漠不動心。國家之視法官甚重。而法官之自甘暴棄。一至於此。殊失司法獨立之本意。著司法部各省巡按使。飭令總分商會研究債務訴訟結案辦法。由司法部悉心斟酌。擬訂條例。呈候頒行。以便商民而清案牘。京外法官及兼理司法之縣知事。倘敢仍事因循。罔知愧奮。本大總統不敢博寬大之名。貽商民之害。惟有從嚴懲戒。以肅官方。其各懷之。此令。

置。

●墨西哥近事……墨西哥喀浪石將軍。拒絕美國與六國會談公共提出之通牒。喀浪石將軍部下之那伐利塔將軍。本日宣佈意見云。美兵如侵入境內。必與力戰而不辭。

同 十二日

●俄國召集國民兵……俄國政府於東清鐵道附屬地下動員令。除東清鐵道職員領事館員稅關人員外。凡在預後備國民兵籍者。一概召集。